

ጾኑሲ ማደም ዳኪንቴ ጳውሎስ ኪኢቶ ጋላቲያ ዓጮ ዓሶም ዓይያ ካሮ

ዩሱሴኮ ዳቁሻያ ማዲያ ኬኤዛ ኮዡ ሃይሶ ቃኣላ ቢያ ቤዛይዳ ኬኤዚንቴ ኬኤዚንቴ ሃሃ ዓይሁዴ ማዲባኣ ዓሳኣ ዬያ ሃይሶ ጉሙርቁ ዔኬ ዎዶና «ኪሪሰቶስ ጉሙርቁ ዓሲ ማዲ ሙሴ ዔርዜ ዎኅ ኩንሃኒ ኮይሳሞ ኮይሱዎይ?» ጋዓ ጾኑጪሂ ዔቄኔ። ዒማና ጳውሎስ፡- «ኪሪሰቶስ ጉሙርቁ ዓሲ ማዲ ሙሴ ዔርዜ ዎኅ ኩንሃኒ ኮይሱዎስ፤ ባሼ ኪሪሰቶስ ዛሎና ዓኪ ናንጊ ዴንቃኒ ቤርታዲ ኮይሳ ባኮማ ዒዛ ጉሙርቁሂኬ፤ ሃሃ ዓሲ ጾኑሲ ቤርቲዳ ሂላኒ ዳንዳዓሂ ጉሙርቁሂና ሌሊኬ» ጌዒ ጌዒ ዔርዚሂ ዓርቄኔ፤ ጋዓንቴ ዳኮ ዒሲያ ጌይንታ ዓጮ፤ ሮሜ ካኣቲ ዎይሃ ጋላቲያይዳ ዓኣ ሸኢጲያ ማኣሮ ዓሶ ባኣካ፡- «ዓሲ ጾኑሲ ቤርቲዳ ሂላኒ ዩሱሴ ጉሙርቁሂ ሌሊ ማዲባኣንቴ ሙሴ ዔርዜ ዎኅዎ ኩንሃኒ ኮይሳኔ» ጌይሂና ጳውሎስኮ ጌኤዛ ማኪ ዒያ ዓሲ ዓኣኔ።

ጳውሎስ ሃያ ኪኢቶ ጋላቲያ ዓሶም ፃኣፔሂ፡- ዬያ ሉኡዙሞ ዔርዚያና ዣኣሌ ዓሶ ፒዜ ጉሙርቁሂዳ ጌልዛኒ ሃሃ ኪሪሰቶስ ጉሙርቁ ናንኅንዶ ጎይያዎ ዔርዛኒኬ፤ ቤርታሲ ጳውሎስ ዩሱሰ ኪሪሰቶስ ማደም ዳኪንቴያ ማዔሂ ፔና ፔጋሲ ዔርዚሂና ዓርቄኔ፤ ዬያ ማደም ዒዛ ዳኬሂ ዓሲቱዎንቴ ጾኑሲ ማዔሂ፤ ሃሃ ዒዛኮ ዳኪንቴፃ ዓይሁዴ ማዲባኣ ዓሶም ማዔሂ ፓይዲ ፓይዲ ኬኤዛኔ፤ ዬካፓ ዓሲ ሂላኒ ዳንዳዓሂ ኪሪሰቶስ ጉሙርቁሂና ሌሊ ማዔሂያ ኬኤዛኔ፤ ሃሃ ሃኖ ኪኢቶኮ ጋፒንያ ዓይያንሂዳ ኪሪሰቶስ ጉሙርቁ ዓሲ ናንጋ ፒዜ ናንጊ ዩሱሴ ጉሙርቁያና ጴዳ ናሹሞፓ ሙካሂ ዔርዛኔ።

ማፃኣፔላ ዲማ ዲማ ዓርቁ ባኮ

- ዓይያ ካሮ (1:1-10)
- ጳውሎስ ጾኑሲ ማደም ዳኪንቴያ ማዔሂ ዔርዛ ቢታንቶ (1:11—2:21)
- ጾኑሲኮ ኮሹሞ ዛሎ ኬኤዛ ኮዡ ሃይሶ (3:1—4:31)
- ዩሱሴ ጉሙርቁ ዓሶኮ ጎሜ ዓይላቶፓ ኬሰኪያና ዔያታ ናንጋንዳ ጎይያ (5:1—6:10)
- ጋፒንሂ ሃይሴ (6:11-18)

1 ዓሲ ማለሢና ዓሲ ዳኬያቱዋንቴ ዬሱስ ኪሪስቶስ ዛሎና ሃሃ ዒዛ ሃይባፓ ዔቁሴ፣ ያኑሲ፣ ዓዳሢ ዛሎና ዒዛም ማዳኒ ዳኪንቴያ ማዔ፣ ዶኑሪንቴ ጳውሎስይዳፓ፤ 2 ሃሃ ዒዛና ዋላ ዓኣ ዒሾንሢዳፓ ቢያ ጋላቲያይዳ ዓኣ ሺኢጲያ ማኣሮ ዓሰም ዳኪንቴ ከኢታ፡-

3 ኑ ዓዳሢ፣ ያኣዛሢዳፓ፤ ሃሃ ኑ ጎዳሢ ዬሱስ ኪሪስቶስይዳፓ ማዔ ሚጨንቲያና ኮሹዋና ዒንሢም ማዖንጎ።

4 ሃያ ዓጮ ፑርቱዋይዳፓ ኑና ዳቁሻኒ ኑኡኮ ዓዳሢ ማዔ፣ ያኣዛሢ ማለሢና ኪሪስቶስ ኑ ጎሞሮ ጌዒ ፔና ዓኣሢ ዒንጌኔ።
5 ዬያሮ ያኑሲም ናንገና ቦንቾ ማዖንጎ፤ ዓኣሚን።

ኪሪስቶስ ዛሎ ኮዦ ሃይሳ ፔቲ ሌሊ ማዒያ

6 ኪሪስቶስኮ ኮሹዋ ዒንገያና ዒንሢ ዔኤሌ ጎዳይዳፓ ሃያይዲ ሩኡሪና ዒንሢኮ ዲማዲያና ሜሌ ኮዦ ሃይሶ ባንሢ ዓኣዲያ ታኣም ዔርቲባኣያኬ። 7 ሃያ ታ ጋዓሢ ዒንሢ ዳቢሳ ዓሶና ኪሪስቶስኮ ኮዦ ሃይሶ ዋቢሳኒ ኮዓ ፔቲ ፔቲ ዓሳ ዓኣሢሮ ማዓንዳኣፓዓቲም ኮዦ ሃይሳ ጋዓንቴ ፔቲ ሌሊኬ። 8 ዬይ ያዲ ማዔቴያ ኑኡና ጨሪንጮ ያኑሲ ከኢታንቻሢና ዒንሢም ኬኤዜ ኮዦ ሃይሶይዳፓ ዲማዲ ኮሺ ሃይሴ ዒንሢም ኬኤዜያ ማዔቴ ዬይ ጋዳንቁንቴያ ማዖም። 9 ሃያኮ ቤርታ ታ ዒንሢም ጌዒሢጉዲ ሃሃ ታ ዒንሢም ጋዓኔ፡- ዒንሢ ዋይዚ ዓኬሢዳፓ ዲማ ሜሌ ኮሺ ሃይሴ ያኑኒያ ዒንሢም ኬኤዜቴ ዬይ ጋዳንቁንቴያ ማዖም።

10 ዓኣሪ ሃሢ ታኣኒ ኮዓሢ ዓሲ ታና ሄርሻንዳጉዲም ያኑሲ ሄርሻንዳጉዲዳይ? ሃሃ ዓሲ ታ ዋዛሳኒ ኮዓያ ዒንሢም ማላ? ዓሲ ታ ዋዛሳኒ ኮዓያ ማዔቴ ኪሪስቶስም ታ ማዳያ ማዓዓታንቴኬ።

ጳውሎስኮ ያኑሲ ማዳም ዔኤሊንቲያ

11 ታ ዒሾንሢ! ታ ሚሾንሢ! ታ ዒንሢም ኬኤዜ ኮዦ ሃይሳ ዓሲ ኬሴ ማለሢዳፓ ማዒባኣሢ ታ ዒንሢም ዔርዛኔ፤ 12 ዋይቲ ጌዔቴ ታኣም ዬያ ዬሱስ ኪሪስቶስ ፔጋሲ ዳቄኔ፤ ዓይጎ ዓሲዳፓኣ ታ ዔኪባኣሴ፤ ሃሃ ያኑኒያ ታና ዔርዚባኣሴ።

13 ሚና ቤርታ ዓይሁዶ ካኣዦና ዋማይዲ ታ ናንጌቲያ፣ ያኑሲ ጉሙርቃ ሺኢጲያ ማኣሮ ዓሰዋ ሚጨንቲያዎ? ዋማይዲ ታ ዲውሴቲያ፣ ዔያቶ ባይዛኒያ ታ ዋማዒ ማሌቲያ ዒንሢ ዋይዜኔ።
14 ዓይሁዶ ዓሰ ካኣዦ ዋጎ ካፒ ታ ናንጋኣና ዓኣ ታ ዒጊኖ፣ ዓይሁዶ

ዓሰይዳፓ ቢያ ታ ባሼኬ፤ ዓድንሢ ካኣዡ ዋጎይዳፓ ሜሌ ታ ሃሣ ኮዑዋያኸ።

15 ጋዓንቴ ታ ሸይንታንዳሢኮ ቤርታ ያኦሲ ታና ዶኦሪ ፔኤኮ ኮሹዋና ታ ዒዛም ማዳንዳጉዲ ዔኤሌኔ። 16 ዓይሁዴ ማዒባኣ ዓሰም ኮዡ ሃይሶ ታ ኬኤዛንዳጉዲ ያኦሲ ፔናዓሢ ታኣም ፔጋሲ ዳዋኒ ማሌ ዋዶና ዓይጎ ዓሲናኣ ታ ዘርቲባኣሴ፤ 17 ሃሣ ታኣኮ ቤርታ ያኦሲ ማዶም ዳኪንቴዘንሢና ካኣማኒ ዬሩሳላሜ ዒማና ታ ዴንዲባኣሴ፤ ጋዓንቴ ቤርታዲ ታኣኒ ዓሬቤ ዓጪ ዓኣዴ፤ ዬካፓ ታ ጊንሣ ዴማሰቆ ማዒ ሙኬኔ።

18 ሃይሃ ለዔኮ ጊንፃፓ ጳዒሮሴና ካኣሚ ጌሰታኒ ዬሩሳላሜ ታ ዴንዲ፣ ዒኣካ ዒዛና ዋላ ታጳ ዶንጎ ኬሊ ታ ዴዔኔ።

19 ጋዓንቴ ጎዳኮ ጌርሲ፣ ያይቆኦቤይዳፓ ዓታዛ ያኦሲ ማዶም ዳኪንቴዘንሢዳፓ ዶናኣ ታ ዴንቁባኣሴ።

20 ሃይ ታ ዒንሣም ፃኣፓሢ ሉኡዚቴዋኣሢ ያኦሲ ቤርታ ታ ዒንሣም ዔርዘኔ።

21 ዬካፓ ሶኦሪያና ኪልቂያ ጋዓ ዓጪ ታ ዴንዴ። 22 ዬማና ዪሁዳ ዓጪዳ ዓኣ፣ ኪሪሰቶሴ ጉሙርቃ ሺኢጲያ ማኣር ዓጎ ታና ዛጊ ቤቁባኣሴ። 23 ዔያታ ዋይዜሢ፡- «ዬይ ማና ኑና ዒዳ ደሙጎ ዓሢ ዬና ዒ ባይዘንዳኔ ጌዒ ኮዓ ካኣጌሎ ዛሎ ሃሢ ኬኤዘኔ» ጋዓ ሃይሴ ለሊኸ። 24 ታ ዛሎርዋ ያኦሲ ዔያታ ጋላቴኔ።

2

ጳውሎሴ ሃንጎ ያኦሲ ማዶም ዳኪንቴዘንሢና ዔርቲሢ

1 ታጳ ያይዶ ለዔኮ ጊንፃፓ ባርናባሴና ዋላ ዬሩሳላሜ ታ ዓኣዳዖ ቲቶ ታኣና ዋላ ዔኪ ዓኣዴ። 2 ታ ዒኣካ ዴንዴሢ ያኦሲ ታኣም ፔጋሲ ዳቄ ጎይያናኸ። ዬያኮ ቤርታ ታ ማዴ ባኮንታ ሃሢ ታ ማዳሢ ጉሪ ዓቲዋጉዲ ጌይሢና ዓይሁዴ ማዒባኣ ዓሰም ታ ኬኤዛ ኮዡ ሃይሶ ዔያቶኮ ዴኤፖ ዴኤፖ ሱኡጎ ዴማሲ ታ ኬኤዘኔ። 3 ታኣና ዋላ ዓኣ ቲቶ ዋዚ ዒ ጊሪሴ ዓሲ ማዔቴያ ዓቲንቶ ቤርቶ ዒ ቲቁንታንዳጉዲ ዋልቁና ዓይሢንቲባኣሴ። 4 ጋዓንቴ ኦኡኮ ባኣኮ ዔርቲቆዎ ዓኣሺንቴ ጌሌ ፔቴ ፔቴ ሉኡቃ ዒሾንሢ ዒዚ ዓቲንቶ ቤርቶ ቲቁንታንዳጉዲ ኮዔ፤ ዬንሢ ዓጎ ኑ ባኣኮ ዔርቲቆዎ ጌሌሢ ዬሱሰ ኪሪሰቶሴና ኦኡኮ ጎማፓ ጌኤሸኪያ ሙሪ ዛጋኒና ኑና ዓይሌ ማሃኒ ማሊኸ።

1:14 1:14 ዳኪ. ማዶ 22:3። 1:16 1:16 ዳኪ. ማዶ 9:3-6፤ 22:6-10፤ 26:13-18። 1:18 1:18 ዳኪ. ማዶ 9:26-30። 2:1 2:1 ዳኪ. ማዶ 11:30፤ 15:2።

5 ኑኡኒ ጋዓንቴ ኮዦ ሃይሶኮ ጎኑማ ዒንሢና ደዲ ናንጋንዳጉዲ ጌይሢና ዳካ ዋዴታዎ ዔያቶ ማሊያም ባሽንቲባኣሴ።

6 ዬንሢ ዓሶ ዔኪ ዓኣዲያ ማላዘንሢ ዛሎ ጋዓንቴ ያኦሲ ዓሲኮ ዓኣፒ ካራ ዛጊ ዓሲ ዲማሱዋኣሢሮ ዔያቶኮ ዴኤፑማ ታኣም ዔኤቢቱዋሴ፤ ዬንሢ ዓሶ ዔኪ ዓኣዲኔ ጌይንታዘንሢዳፓ ታኣኒ ኬኤዛ ኮዦ ሃይሶ ቃኣሎይዳ ታና ማኣዳ፣ ዓይጎዋ ዓኪ ባኣዚ ታ ዴንቁባኣሴ። 7 ጋዓንቴ ያኦሲ ጴጂሮሴ ዓይሁድ ዓሶም ኮዦ ሃይሶ ኬኤዛንዳያ ማሄሢ፤ ታናኣ ኮዦ ሃይሶ ቃኣሎ ዓይሁዴ ማዒባኣ ዓሶም ኬኤዛንዳጉዲ ማሄሢ ዔያታ ዔሬኔ፤ 8 ዬያሮ ጴጂሮሴ ዓይሁዴ ዓሶም ያኦሲ ማድም ዳኪንቴያ ማዒ ማዳንዳጉዲ ማሄ ያኦዛሢ ታናኣ ዓይሁዴ ማዒባኣ ዓሶም ዳኪንቲ ማዳያ ማሄኔ። 9 ዓሶ ዔኪ ዓኣዲያ ማላ፣ ያይቆኦቤና ጴጂሮሴና ዮሃንሴና ያኦሲ ታኣም ሃያ ዲማ ማድ ዒንጌሢ ዔራዎ ታኣና ባርናባሴና ዋላ ዔያታ ፔቲ ማዒያ ዔርዛ ማላታ ማዓ ሚዛቆ ኩጮና ኑ ዋሊ ዓርቄኔ፤ ዬካፓ ኑኡኒ ዓይሁዴ ማዒባኣ ዓሶ ባንሢ ዓኣዴም፤ ዔያታ ዓይሁዴ ዓሶ ባንሢ ዓኣዲኒ ኑ ዋላ ጩኣቄኔ። 10 ዬይ ያዲ ማዔቴያ ዔያቶኮ ባኣካ ዓኣ ማንቆ ዓሶ ኑኡኒ ማኣዳንዳጉዲ ዔያታ ኑና ሺኣቄኔ፤ ታኣኒያ ዬያ ማዲኒ ሚርጌ ማላያኬ።

ጳውሎሴኮ ዓንያኪያይዳ ጴጂሮሴ ጎሪዎ

11 ጴጂሮሴ ዓንያኪያ ሙካዛ ፔጌና ዒ ዳቤሢሮ ፔጋ ታ ዒዛ ጎሬኔ፤ 12 ያይቆኦቤ ዳኬ፣ ፔቲ ፔቲ ዓሳ ዓንያኪያ ሙካንዳሢኮ ቤርታ ዓይሁዴ ማዒባኣ ዓሶና ዋላ ዒ ሙዓኔ፤ ዔያታ ሙኪሢኮ ጊንፃ ጋዓንቴ «ዓይሁዴ ዓሲቱዋዎ ኪሪሰቶሴ ጉሙርቄ ዓሳ ዓቲንቶ ቤርቶ ቲቁንታንዳያ ኮይሳኔ» ጋዓ ዓይሁድ ዓሶ ዒጊጩሢና ሎኦሺ፣ ዓይሁዴ ማዒባኣ ዓሶይዳፓ ዲማዴኔ። 13 ሃንጎዋታ ዓይሁድታዎ ኪሪሰቶሴ ጉሙርቃ ዓሳ ጴጂሮሴ ማዴሢጉዲ ማዳዛ ባርናባሴያ ዔያቶ ጎይያ ማዴሢዳ ጌሌኔ። 14 ዔያቶኮ ማዳ ኮዦ ሃይሶ ጎኑም ጎይያጉዲ ፒዜቱዋሢ ታ ዛጋዎ ጴጂሮሴ ኮይላ፡ «ኔኤኒ ዓይሁዴ ዓሲታዎ ዓይሁድ ዓሶ ካኣዦ ዋጎናቱዋንቴ ዓይሁዴ ማዒባኣ ዓሶ ካኣዦ ዋጎ ጎይያ ኔ ናንጋያኬ። ሂዳዎ ዓይሁዴ ማዒባኣ ዓሳ ዓይሁድ ካኣዦ ዋጎ ጎይያ ናንጋንዳጉዲ ዓይጎር ኔ ዔያቶ ዋልቃዲ ዓይሃይ?» ጌይ ቢያሢ ቤርታ ታ ዒዛ ጎሬኔ።

ዓይሁዴታቴያ ቱዋቴያ ዓሲ ጉሙርቁሢና ሌሊ ዲቃያ ማዒያ

2:6 2:6 ላሚ. ዋማ 10:17።

15 ጎኔኬ፣ ኑኡኮ ዜርፃ ዓይሁዳኬ፤ ጎሞ ዓሶ፣ ዓይሁዳ ማዕባኣ ዓሶጉዲቱዋሴ። 16 ጋዓንቴ ዓሲ ያኦሲ ቤርታ ያላሠሠ ዩሱስ ኪሪሰቶሴ ጉሙርቂሢና ማዓንዳፓዓቲም ሙሴ ዔርዜ ዋጎ ኩንሥሢናቱዋኣሢ ኑ ዔራኔ፤ ኑኡኒያ ዋጎ ኩንሥሢናቱዋንቴ ኪሪሰቶሴ ጉሙርቂሢና ያኦሲ ቤርታ ያላሠሠ ዩሱስ ኪሪሰቶሴ ኑ ጉሙርቂኔ፤ ዓይጎሮ ጌዔቴ ዓይጎ ዓሲያ ሙሴ ዔርዜ ዋጎ ኩንሥሢና ያሉዋሴ። 17 ኪሪሰቶሴና ኑኡኮ ዋላ ዓኣ ፔቱዋና ያኦሲ ቤርታ ኑ ያላሠሠ ኮዓዖ ኑኡኒ ኑ ቶኦኪና ጎሜ ዓሲ ማዕ ዪዴያታቶ ጎሜይዳ ኑና ዔኪ ጌልዛሢ ኪሪሰቶሴኬ ጌይሢዳ? ፔቲታዖ ያዲቱዋሴ! 18 ጋዓንቴ ታኣኒ ሻሄ ካኣኩ ዋጎ ማሃ ጊንሣ ማዳሢ ታና ማዔቴ ታኣኒ ታ ቶኦኪና ዋጌ ሻሃያ ማዔሢ ዔርዛኔ ጌይሢኬ። 19 ታኣኒ ያኦሲም ናንጋንዳኔ ጌይ ዋጎ ዛሎና ሃይቢና ዲማዲሢጉዲ ዋጌይዳፓ ታ ዲማዴኔ። 20 ታኣኒ ኪሪሰቶሴና ዋላ ሱዲንቴያጉዲ ማዕ ፓይዲንቴሢሮ ሃካፓ ሴካ ኪሪሰቶሴ ታ ጌዳ ናንጋንዳፓዓቲም ታ ታኣሮ ናንጋያቱዋሴ፤ ሃሢያ ታኣኒ ዓሲ ማዕ ናንጋ ናንጋ፣ ታና ናሽኬሢና ታ ጋይቲ ፔና ዓኣሢ ዒንጌ፣ ያኦዛሢ ናዓሢ ጉሙርቂያና ዪዴ ናንጎናኬ። 21 ያኦሲኮ ኮሹሞ ዒንጌያ ታኣኒ ሹሌዒሲ ዛጉዋሴ፤ ዓሲ ያኦሲ ቤርታ ያላሠሠ ሙሴ ዔርዜ ዋጎ ኩንሥሢናታቴ ኪሪሰቶሴ ሃይቂሢ ጉሪኬ ጌይሢኬ።

3

ኪሪሰቶሴ ጉሙርቂሢና ዋጎና ዛላ

1 ዒንሢ ሃይ፣ ማሊ ጸቂሡዋ ጋላቲያ ዓጮ ዓሳ! ዖ ጌሺ ዒና ዒንሢኮ ባይዜይ? ኪሪሰቶሴኮ ፑርቶ ዓሶ ሱዖ ሚያይዳ ሱዲንቴ ሃይቂያ ዛሎ ዒንሢ ዛዛጋጉዲ ፔጋሲ ታ ዒንሢም ኬኤዜኔ። 2 ታኣኒ ሃሢ ዒንሢዳፓ ፔቲ ዔራኒ ኮዓ ባኣዚ ዓኣኔ፤ ዒንሢ ዓያና ጌኤኩ ዔኬሢ ሙሴ ዔርዜ ዋጎ ኩንሥሢናም ኮኩ ሃይሶ ቃኣሎ ዋይዚ ጉሙርቂያናዳይ? 3 ዒንሢ ዓይዖ ያኦሲ ዓያናና ዓርቃዖ ዓሲ ዋልቆና ኩንሢኒ ኮዓኔ፤ ሃይሾ ዒንሢ ሃኣዲ ዔኤያኬ! 4 ኮኩ ሃይሶ ዛሎና ዒንሢ ዔኬ ሜታሢ ቢያ ጉሪ ማዕ ዓቲኔ ጌይሢዳ? ዩይ ጉሪ ዓቲባኣሴ! 5 ያኦሲ ፔኤኮ ዓያና ዒንሢም ዒንጋሢና ዒንሢ ኮራ ፔ ዋልቆና ማዲንታ ዓኮ ባኮ ማዳሢ ሙሴ ዔርዜ ዋጎ ዒንሢ ኩንሢሢሮም ኮኩ ሃይሶ ቃኣሎ ዋይዚ ዒንሢ ጉሙርቂሢናዳይ? 6 ሄንዳ ዓብራሃሜሲ ማሉዋቲ፡- «ዓብራሃሜ ያኦሲ ጉሙርቂኔ፤ ያኦሲያ ዒዛ ፔ ዓሲ ማሄኔ» ጌይንቴ ፃኣፒንቴ። 7 ዓካሪ፤

2:16 2:16 ዓይኡ. 143:2፤ ሮሜ 3:20፤22። 3:6 3:6 ማኪ. ማፃ 15:6፤ ሮሜ 4:3።

ጾኑ ጉሙርቃዞንሢ ሲያ ዓብራሃሜ ናኦቶ ማዓሢ ዔሩዋቱ።
 8 ጾኑ ሳይሁዴ ማዓባኣ ሳሶ ጉሙርቁሢ ዛላና ሂሊሳንዳያ
 ማዓሢ ጌኤዡ ማፃኣፓ ቤርታዲ ዴንቁ፡- «ዴራ ቢያ ኔ ዛሎና
 ዓንጂንታንዳኔ» ጌይሢና ቤርታ ዓብራሃሜም ኮዡ ሃይሶ ቃኣሎ
 ኬኤዜኔ። 9 ዬያሮ ጾኑ ጉሙርቃዞንሢ ሲያ ጾኑ ጉሙርቁ፣
 ዓብራሃሜጉዲ ዓንጂንቲያኬ።

10 «ዋጎ ኩንሢያና ኑ ሂሊንዳኔ» ጋዓዞንሢ ሲያ ጋዳንቁንቲያኬ፤
 ዓይጎሮ ጌዔቲ፡- «ሙሴ ዔርዜ ዋጎ ማፃኣፖይዳ ፃኣፒንቲ ዓይሢያና
 ቢያ ዶዲ ናንጉዋያ ሃሃ ማዲ ኩንሡዋ ዓሲ ጋዳንቁንቲያኬ»
 ጌይንቲ ፃኣፒንቲሢሮኬ። 11 «ሂሎ ዓሲ ጉሙርቁሢና ሸምፔና
 ናንጋኔ» ጌይንቲ ፃኣፒንቲሢሮ ዋጎ ኩንሡሢሢ ዓይጎ ሳሲያ ጾኑ
 ቤርቶይዳ ሂሎዋኣሢ ዔርቲያኬ። 12 ዋጌ ጉሙርቁሢና ዓርቁንቲ
 ባኣዚቲዋሴ፤ ጋዓንቲ «ዓሲ ዋጌና ናንጋኒ ዳንዳዓሢ ዋጎ ዓይሢያ
 ቢያ ኩንሡቶኬ» ጌይንቲ ፃኣፒንቲ።

13 «ሚሢዳ ሱዲንቲ ሃይቃ ዓሲ ቢያ ጋዳንቁንቲያኬ» ጌይንቲ
 ፃኣፒንቲ፤ ኪሪሰቶሴ ኑ ጋይቲ ጌይ ሱዲንቲያና ጋዳንቁንቲያ
 ማዓ ዋጎ ጋዳሞይዳፓ ኑና ዳቁሼኔ። 14 ዬይ ያዲ ማዓሢ
 ጾኑ ሳብራሃሜም ዒንጌ ዓንጃ ዬሱስ ኪሪሰቶሴ ዛሎና ሳይሁዴ
 ማዓባኣ ሳሶ ሄላንዳጉዲ፤ ሃሃ ጾኑ፡- «ታ ዒንሢም ዒንጋንዳኔ»
 ጌዔ ዓያሮ ጌኤዡዋ ጉሙርቁሢና ኑ ዔካንዳጉዲኬ።

ሙሴ ዋጎና ሃጊ ማዓንዳ ዋዞና

15 ታ ዒሸንሡ! ታ ሚሸንሡ! ዓሲም ዔርታ ማላታ ማዓንዳ
 ባኣዚ ታ ዒንሢም ኬኤዞም። ዓሲ ዋላ ጫኣቁሞ ጫኣቁሰካፓ
 ጾኒያ ዬኖ ጫኣቁሞ ሃሻኒና ጊዳ ቃሳኒያ ዳንዳዑዋሴ። 16 ጾኑ
 ዓብራሃሜና ዒዛኮ ዜርያናም ሃጊ ማዓንዳ ዋዞ ቃኣሎ ዒንጌሢ
 ዬኖ ጎይያኬ፤ ጌኤዡ ማፃኣፓ ሃጊ ማዓንዳ ዋዞ ቃኣላ ሚርጌ
 ዓሲም ማዓያ ማሃ፡ «ኔ ዜርያም» ጎዑዋሴ፤ ጋዓንቲ ፔቲ ዓሲም
 ማዓያ ማሃ፡ «ኔ ዜርፃሢም» ጋዓኔ፤ ዬይያ «ኔ ዜርፃሢ» ጌይንቲሢ
 ኪሪሰቶሴኬ። 17 ዓካሪ፡ ታ ሂዚ ጋዓኔ፤ ያይዶ ጌኤታና ሃይሢታሚ
 ሌዔኮ ጊንፃፓ ዒንጌንቲ ዋጋ ቤርታዲ ጾኑ ዔሪ ዶዲሼ ጫኣቁሞ
 ዓይሲ፡ ዒንጌንቲ ዋዞ ቃኣሎዋ ጉሪ ማሃኒ ዳንዳዑዋሴ። 18 ጾኑ ሲኮ
 ዒንጌፃ ዋጌ ዛላና ጳዲያታቲ፣ ጾኑ ዒንጌ ሃጊ ማዓንዳ ዋዞ

3:7 3:7 ሮሜ 4:16። **3:8** 3:8 ማኲ. ማፃ 12:3። **3:10** 3:10 ላሚ. ዋማ
 27:26። **3:11** 3:11 ዒምባ. 2:4። **3:12** 3:12 ሊቂ. ዓኬ 18:5። **3:13**
 3:13 ላሚ. ዋማ 21:23። **3:16** 3:16 ማኲ. ማፃ 12:7። **3:17** 3:17 ኬሲ.
 ማፃ 12:40።

ቃኦሎና ማዕዳ ዓታንዳንቴኬ፤ ጋዓንቴ ጾኦሲ ዓብራሃሚም ዒንገ ዒንገያ ሃጊ ማዓንዳ ዋዞ ቃኦሎናኬ።

19 ሂዳዎ ዋጌ ዒንገንቴህ ዓይጌንዴርዳይ? ዋጌ ጊዳ ቃሲንቴህ ዓብራሃሚም ሃጊ ማዓንዳ ዋዞ ቃኦሎና ዒንገንቴ ዜርፃህ ሙካንዳያ ሄለንዳኣና ፑርታ ማዶ ዓይጎ ማዔቴያ ዔርዛጊኬ፤ ዋጌ ሙኬህ ጾኦሲና ዓሲና ባኣካ ማዔ፣ ዓህም ጾኦሲ ኪኢታንኸ ዛሎና ኬኤዚንቴምኬ። 20 ዬይ ያዲ ማዔቴያ ባኣካ ማዔ ዓህ ፔቴ ዜርህም ሌሊ ዔቃያቴዋሴ፤ ጾኦሲ ጋዓንቴ ፔቴኬ።

21 ዓካሪ፤ ሙሴ ዋጋ ጾኦሲኮ ሃጊ ማዓንዳ ዋዞ ቃኦሎና ዋላ ጊኢጉዋያዳ? ያዲቴዋሴ! ሸምፖ ዒንጋ ዋጌ ዒንገንቴያ ማዔቴ ፃሉሞ ዋጌም ዓይህንቴህና ጴዴያ ናንዳንቴኬ። 22 ጋዓንቴ ጌኤዦ ማፃኣፓ ዓጫ ጉቤ ጎሚና ቴኡቴያ ማዔኔ ጋዔ፤ ዬይያ፡- ዬሱሰ ኪሪሰቶሴ ጉሙርቂያና ጴዳ ዋዞ ቃኦላ ጉሙርቃዞንህም ዒንገንታንዳጉዲኬ።

23 ዬይ ኪሪሰቶሴ ጉሙርቂያ ሙካንዳህኮ ቤርታ ዋጎ ዛሎና ኑ ቴኡሲ ዓሲ ማዔ ዬይ ፔጋዳንዳያ ሄለንዳኣና ካራ ኑም ባይቄያ ማዔኔ። 24 ዬያሮ ጉሙርቂያና ኑ ፃላንዳጉዲ ኪሪሰቶሴ ሙካንዳያ ሄለንዳኣና ሙሴ ዋጋ ኑና ዔርዚ ዔርዚ ዲቻያ ማዔኔ። 25 ሃህ ጋዓንቴ ኪሪሰቶሴ ጉሙርቂህ ሙኬህረ ዋጌ ኑና ዔርዚ ዔርዚ ዲቻያ ማዔፃ ዓቴኔ።

26 ዬሱሰ ኪሪሰቶሴ ጉሙርቂያና ዒንህ ሲያህ ጾኦሲ ናይኬ። 27 ኪሪሰቶሴና ዋላ ፔቴ ማዓጊ ዋኣያና ማሰቴ ዓጎ ሲያ ኪሪሰቶሴ ዒንህ ማኣዔኔ። 28 ሲያህ ዬሱሰ ኪሪሰቶሴ ዛሎና ፔቴ ዒንህ ማዔህሮ ዓይሁዴና ዓይሁዴ ማዔባኣ ዓሲና፣ ማዳህና ማዲሻህና፣ ዓቴንቄና ለኣለናኮ ባኣካ ዲሙሞ ባኣሴ። 29 ዓካሪ ዒንህ ኪሪሰቶሴር ማዔቶ ዓብራሃሚ ዜርፃኬ፤ ዒንገንቴ ዋዞ ቃኦሎ ጎይያና ዒዛና ዋላ ዒንህ ጾኦሲ ዒንጋ ባኮ ዔካንዳዞንህኬ።

4

1 ሃህ ታ ሃዚ ጋዔ፡- ዓዶ ዳካላጊ ቶይዶ ናዎ ማዔህ ናይ ዓኣዎ ዋዚ ዒ ዓዶ ቆሎኮ ሲያ ቤቲ ማዔቴያ ማኣራ ዓኣ ካራሞይዳፓ ዒ ዲማቴዋሴ። 2 ጋዓንቴ ዓዴ ዒዛም ጌዔ ዋዶ ሄለንዳኣና ዒዛ ዔርዚ ዔርዚ ዲቻ ዓሶ ዴማ ዒ ማዓኔ።

3 ዬያጉዲ ኑኤጊ ጾኦሲ ዓያኖ ባኮ ዛሎና ናይ ዓኣ ዋዶና ሃያ ዓጮ ካኣዦ ዋጎም ዓይሌ ማዔ ኑ ዋርቃያኬ። 4 ጋዓንቴ ጾኦሲ ጌዔ ዋዶ ሄለዛ ዓሲዳፓ ሸይንቴያ፤ ሃህ ዋጎም ዓይህንታያ ማዔ

ፔኤኮ ናዓሢ ዒዚ ኑም ዳኬኔ፤ 5 ዬያ ዒ ማጭሢ ዋጎም ዓይሢንታያ ማዕዘንሢ ጳቂሻኒና ኑናኣ ዒዛኮ ኮሹሞና ፔ ናይ ማሃኒከ። 6 ያኦሲ ናይ ኑ ማዕሢር፡- «ታ ዓዴ» ጌይ ዒዛ ዔኤላ፣ ፔኤኮ ናዓሢ ዓያኖ ኑም ዒ ዳኬኔ። 7 ዬያር ሃይፓ ሴካ ያኦሲኮ ኔ ናይ ማዓንዳፓዓቲም ዓይሌቱሞሴ፤ ያኦሲኮ ኔ ናይ ማዕያታቲ ያኦሲ ፔ ናኣቶም ጌኢጊሼ ባኮ ቢያ ኔኤም ዒንጋንዳኔ።

ጳውሎሴ ጋላቲያ ዓሰም ማሌ ማሊያ

8 ሃያኮ ቤርታ ያኦሲ ዒንሢ ዔሪባኣሢር ካኣሽኮንዶ ባኣዚ ማዓባኣ ባኮም ዓይሌ ማዒ ዒንሢ ናንጌኔ። 9 ሃሢ ጋዓንቲ ዒንሢ ያኦሲ ዔሪኔ፤ ለሚ ታ ኬኤዛኒ ኮዔቲ ያኦሲያ ዒንሢ ዔሪኔ። ሂዳዖ ጊንሢ ዬያ ፓሡዋያና ላቤያ ማዕ፥ ዓጮ ካኣኸ ዋጎ ባንሢ ዋዲ ዒንሢ ማዕይ? ሃሃዋዲ ዒንሢ ለሚ ዔያቶኮ ዓይሌ ማዓኒ ኮዕይ? 10 ዲማ ዲማ ኬሎ፥ ዓጊኖ፥ ዋደንታ ሌዖንታ ዒንሢ ቦንቻኔ። 11 ዬያር ታ ዒንሢ ማኣዳኒ ላቢንቲ ማጭ ማጳ ጉሪ ማዓንዳሲንታኔ ጌይ ታ ሂርጋኔ።

12 ታ ዒሾንሃ! ታ ሚሾንሃ! ታ ዒንሢጉዲ ማዕሢር ዒንሢያ ታጉዲ ማዑዋቲ ጌይ ታ ሸኢቃኔ፤ ዒንሢ ታኣም ዓይጎዋ ፑርቲሲባኣሴ። 13 ቤርቲ ቤርታ ኮኸ ሃይሶ ታ ዒንሢም ኬኤዛኒ ዳንዳዔሢ ታኣኮ ሃርጎ ዛሎና ማዕሢ ዒንሢ ዔሪኔ። 14 ዋዚ ዒንሢም ታኣኮ ሃርጋ ሜቶ ማዕያታቲያ ዒንሢ ታና ቦሂባኣሴ፤ ሃሃ ሻኣከንቲባኣሴ። ጋዓንቲ ያኦሲኮ ከኢታንቻጉዲ ዬያፓ ዑሣ ከሪሰቶሴ ቦንቹ ዔካያጉዲ ታና ዒንሢ ቦንቹ ዔኬኔ። 15 ሃሢ ሃያኮ ቤርታ ዒንሢ ታ ዛሎና ዋዛጳ ዋዛ ቢያ ዋዋይቲይ? ዬኖና ዒንሢም ዳንዳዔንታቲ ዒንሢኮ ዓኣፖታዖ ታኣም ዒንጋንዳጉዲ ታሢ ታ ቶኦኪና ዬያኮ ማርካኬ። 16 ሂዳዖ ሃሢ ጎኡም ታ ዒንሢም ኬኤዛሢር ዒንሢኮ ሞርኬ ታ ማዒያ?

17 ሃንጎ ዓጎ ዒንሢ ዛሎ ማሊ ሜታዳንዳያ ናንዳኔ፤ ማዕቲያ ዬያ ዔያታ ማጳሢ ኮሹሞምቱሞሴ፤ ዔያቶኮ ማሊያ፡- ዒንሢ ኑ ጌዳፓ ዲማዳንዳጉዲና ዔያቶም ዒንሢ ባሽ ማላንዳጉዲኬ። 18 ኮሹሞ ባኣዚምታቲ ደዲ ማሊያ ኮሺኬ፤ ጋዓንቲ ዬይ ዒንሢኮ ታኣኒ ዒንሢና ናንጋ ዋደና ሌሊ ማፖፓ። 19 ታ ናይዮቲ! ከሪሰቶሴ ዒንሢዳ ፔጋዲ ጴዳንዳያ ሄላንዳኣና ጊንሢ ዒንሢ ዛሎ ማሊያና ሾይቹ ቆይሢ ሜታጎሢጉዲ ሜቶይዳ ታ ዓኣኔ። 20 ዲማ ማዕ ጎይሢና ዒንሢም ኬኤዛኒ ሃሢ ታ ዒንሢ ኮራታቲ ዓይጎ! ጋዓንቲ ዓይጎ ታ ማዳንዳቲያ ዔርቶ ዒዲ ባሽሢር ታ ሜታዳኔ።

4:5 4:5 ሮሜ 8:15-17።

ዓጋርና ሳኦራናኮ ኮኦኪንሦ ማዒያ

21 ዒንሢ ሙሴ ዔርዜ ዋጎም ዓይሢንቲ ናንጋኒ ኮዓ ዓሳ፡ ሂንዳ ታኦም ኬኤዙዋቲ፤ ዋጋ ዋዚ ጋዓቲያ ዒንሢ ዋይዙዋዓዳ? 22 ዋጎ ማፃኦፖይዳ፡- «ዓብራሃሜኮ ላምዖ ናይ ዓኦኔ፤ ፔቲሢ ዒዛኮ ዓይሌላ ሾዔያ ማዓዛ፡ ባጋሢ ሾይንቲሢ ማኦር ዒንደይዳፓኸ» ጌይንቲ ፃኦፒንቲ። 23 ዓይሌሎይዳፓ ሾይንቲሢ ዓሲ ማሊሢና ማዓዛ ማኦር ዒንደ ናዓሢ ሾይንቲሢ ጋዓንቲ ያኦሲ ዒንጌ ዋዞ ቃኦሎ ጎይያናኸ።

24 ዬንሢ ላምዖ ላኦሎንሢ ያኦሲ ጫኦቄ ላምዖ ጫኦቄዋኮ ኮኦኪንሢ ማዓኔ፡ ፔቲዛ፡ ሲና ዲኮና ኮኦኪንሢንታዛ ዓጋኦርኸ፤ ዒዛ ናኦቶ ሾዓሢ ዓይሉዋምኸ። 25 ዓጋኦራ ዓሬቦ ዓጮይዳ ዓኦ፡ ሲና ዲኮ ማላታኸ፤ ዬያር ሃሢ ዓኦ ዬሩሳላሜ ማላኔ፤ ዒዛ ፔኤኮ ናኦቶና ዋላ ዓይሉዋይዳ ዓኦያኸ። 26 ሎ ጫሪንጫፓ ማዔ፡ ዬሩሳላሜ ጋዓንቲ ዓይሌቱዋሴ፤ ዒዛ ኦኡኮ ዒንደሎኸ። 27 ዓይጎር ጌዔቶ፡-

«ኔኤኒ ናይ ሾውዋ ዘኦኬሌ ዋዛዴ!

ኔኤኒ ሾዓኒ ባኒ ዔሩዋዜሌ ዒላሼ!

ዓኒ ዓኦ ላኦሎይዳፓ ባሼ

ዓኒ ሃሼ ላኦሎኮ ሚርጌ ናይ ዓኦያ ማዓንዳኔ»

ጌይንቲ ፃኦፒንቲ።

28 ታ ዒሾንሦ! ታ ሚሾንሦ! ዒንሢያ ዪሳኦቱዲ ዒንጊንቲ ዋዞ ቃኦሎ ናኦቶኸ። 29 ጋዓንቲ ዬና ዋዶና ዓሲ ማሊሢና ሾይንቲሢ ዓያና ማሊያና ሾይንቲሢ ዒፂ ደውሴሢጉዲ ሃኖዋ ዬያጉዲኸ።

30 ጋዓንቲ ጌኤዙ ማፃኦፓ ዬያ ዛሎ ዋዚ ጋዓይ? ማፃኦፓ፡- «ዓይሌሎ ናዓሢ ማኦር ዒንዳ ሾዔ ናዓሢና ዋላ ዓዶ ባኮ ዳካሊንዲዋሢር ዓይሌሎ ናዓሢና ዋላ ኬሲ ዳኸ» ጋዓኔ። 31 ዬያር ታ ዒሾንሦ! ታ ሚሾንሦ! ኦኡኒ ማኦር ዒንደ ናኦቶኸ፤ ዓይሌሎ ናኦቶቱዋሴ።

5

1 ዓይሉዋፓ ኦ ኬሰከ፡ ሜታ ባኦያ ናንጋንዳጉዲ ኪሪሰቶሴ ኦና ሙሴ ዔርዜ ዋጎ ዓይሉዋፓ ኬሴኔ። ዬያር ዶዲ ዔቁዋቲ፤ ላሚ ዬያ ዓይሉዋይዳ ጌሊፖቲ።

ኪሪሰቶሴና ጴዳ ዋጌ ዓይሉዋፓ ኬሰከሢ

4:22 4:22 ማዢ. ማፃ 16:15፤ 21:2። 4:27 4:27 ዒሲ. 54:1። 4:29 4:29 ማዢ. ማፃ 21:9። 4:30 4:30 ማዢ. ማፃ 21:10።

2 ሃሢ ታኣኒ፣ ጳውሎስ ዲንሢም ሂዚ ጋዓኔ፡- «ዓቲንቴ ቤርቲ ቲቁንታንዲያ ኑና ኮይሳኔ» ጌራ ዲንሢ ዓቲንቶ ቤርቶ ቲቁንቴቴ ኪሪሰቶስ ዲንሢ ማእዲዎያ ማዓንዳኔ፤ 3 «ዓቲንቴ ቤርቲ ቲቁሢ ታኣም ኮይሳኔ» ጌይ ቲቁንታይ ቢያ «ሙሴ ዔርዜ ዎጎ ቢያ ካፒ ኩንሣንዲያ ኮይሳኔ» ጌይ ላሚ ታ ላቲ ኬኤዛኣኔ። 4 ዲንሢ ዎጎ ካፒ ዓላኒ ኮዓዘንሢ ቢያ ኪሪሰቶስይዲፓ ዲማዲ፣ ጾኦሲኮ ኮሹዎ ዲንጊያ ዲቁንታፓኣ ዲንሢ ሃኬኔ። 5 ኑኡኒ ጋዓንቴ ዒሉዎ ዴንቃኒ ዎዛ ጌሣሢ ጾኦሲ ዓያኖ ዛሎና ጉሙርቁሢናኔ። 6 ዓይጎር ጌዔቴ ኑና ማእዲንዲሢ ኑኡኒ ዬሱስ ኪሪሰቶስና ዎላ ፔቲ ማዔም ናሹዎ ዛላና ማዲይዲ ፔኤቃ ጉሙርቁሢ ማዓንዲኣፓዓቴም ዓቲንቴ ቤርቲ ቲቁንቴቴያ ሃሹቴያ ኑና ማእዲዓኔ።

7 ሃይማ ሄላንዲኣና ዲንሢ ቃራታዎ ሃሢ ዲንሢ ጎኑዎም ዓይሢንቲዎጉዲ ያ ላኣጌይ? 8 ዬያጉዴ ጌሺፃ ዲንሢ ኮራ ሙኬሢ ዲንሢ ዔኤሌ፣ ጾኦዛሢዲፓቲዎሴ። 9 ዬይያ፡- «ዳካ ሙኑቃ ፃኣዛ ሙኑቆ ቢያ ካዒሳኔ» ጌይንቴሢጉዲኔ። 10 ፔቲታዎ ሜሌ ፑርታ ማለሢ ዲንሢኮ ባኣሢ ታኣኒ ጎዲና ማዒ ጉሙርቃኔ። ጋዓንቴ ዲንሢ ዲቢሻኒ ማለይ ዓኣቶ ዬይ ዓሢ ዲዛም ኮይሳ ሜቶ ዔካንዳኔ።

11 ታ ዲሾንሦ! ታ ሚሾንሦ! ታኣኒ ሃኖ ሄላንዲኣና ኬኤዛሢ፡- «ዳቁንታር ዓቲንቴ ቤርቲ ቲቁንቲሢ ኮይሳኔ» ጌይ ጌይታቶ ሃሢ ሄላንዲኣና ዓይጎር ዲዒንቲታ ዲኪንታይ? ያዲ ማዔያታቲታ ኬኤዛ፣ ኪሪሰቶስ ሃይባዲ ቆ ባሰም ማዒንዲዎያታንቴኔ። 12 ዓካሪ ዬንሢ፣ ዲንሢ ዲቢሻኒ ኮዓ ዓሰንሢ ዓቲንቶ ቤርቶ ቲቁፃ ዓታዛ ጉቤ ቲቁቶ ቃራኔ።

13 ታ ዲሾንሦ! ታ ሚሾንሦ! ዲንሢ ዎጌ ዓይላቶይዲፓ ኬሰካንዳጉዲ ዔኤለንቴኔ፤ ጋዓንቴ ፔቲሢ ባጋሢም ናሹዎና ዓይሢንቲ ማዲንዲኣፓዓቴም ዬይ ዲንሢኮ ዓይሉማፓ ኬሰኪፃ ዲንሢ ሱኡኬ ኩንሥሢም ማዎፓ። 14 ዓይጎር ጌዔቴ፡- «ዓሲ ዓዲ ኔና ማሂ ናሽኬ» ጋዓዛ ሙሴ ዔርዜ ዎጎ ቢያ ዓርቁ ዓኣያኔ። 15 ጋዓንቴ ዎላ ዲንሢ ጌኤሲና ዲዓያና ሙዓያ ማዔቴ ዲንሢ ዎላ ባይቁዎጉዲ ዲንሢና ባዴዔ።

ዓሲ ማለሢና ዓያና ማለሢና

16 ዓካሪ ዓያናና ናንጉዎቴ፤ ዲንሢ ዬያይዴቲ ዲንሢ ማዲኒ ሱኡካዲ ባኮ ማዲንዲዎሴ ታ ጋዓኔ። 17 ዓይጎር ጌዔቴ ዲንሢ ማዲኒ ሱኡካዲ ማሊፃ ዓያና ማለሢና ዎላ ዲፃያኬ፤ ዓያናና ዲንሢ ማለያና

5:9 5:9 1ቆሮ. 5:6። 5:14 5:14 ሌዊ. ዓኬ 19:18።

ዎላ ካኣሙዎሱ፤ ዩያሮ ዲንሢ ማዳኒ ናሽካ ባኮ ማዳኒ ዲንሢ ዳንዳዑዎሱ። 18 ዓያና ዲንሢ ዔኪ ዓኣዳያ ማዔቲ ዎጌም ዲንሢ ዎርቃያ ማዒንደዎሱ።

19 ዓሲ ማዳኒ ሱኡካዳ ማዶ ዔርቲያኬ፤ ዩያታ፡- ማቾ ሃሣ ዓኒ ማዒባኣያና ላሂሢ፡ ዒኢሳ ማዶ ማዳሢ፡ ማቾ ሃሣ ዓኒ ማዒባኣያና ላሃኒ ኮዒ ዑሢ ዓርቁ ዓማሊሢ፡ 20 ሜሌ ካኣሺ ካኣሽኪሢ፡ ማርሻ ማርሺሢ፡ ዓሲ ዒዲሢ፡ ዑራ፡ ቁኢሩዎ፡ ዳጋ፡ ፔና ሌሊ ናሽኪሢ፡ ደማዲሢ፡ ጌኔ ማዶሮ ዘርቲሢ፡ 21 ጌኔ ማዶ፡ ማሢንቲሢ፡ ኮይሱዎ ኮሢ ኮርጊሢና ዩያጉዴ ማዶኬ፤ ሃያኮ ቤርታታ ዲንሢም ላቲሢጉዲ ሃሣ ታ ዲንሢም ላቲ ኬኤዘኣኬ፤ ዩያጉዴ ማዶ ማዳዘንሢ ጾኦሲ ካኣቱሞይዳ ጌላዓከ።

22 ዓያና ጌኤሺኮ ዓኣፒ ጋዓንቲ፡- ናሹዎ፡ ዎዛ፡ ኮሹዎ፡ ጊቢ ዳንዳዒሢ፡ ዓሲም ኮሽኪሢ፡ ጉሙርቁንቲሢ፡ 23 ሼሌዑዎ፡ ፔና ዔሪ ዎይሥሢከ። ዩንሢጉዴ ባኮ ዒፃ ዎጌ ባኣሴ፤ 24 ዩሱሰ ኪሪሰቶሴር ማዔ ዓሳ ፔኤኮ ፑርቶ ማሊያ ሱኡኮ ዩሱሴና ዎላ ፑርቲሴ ዓሶ ሱያ ሚያይዳ ሱፂ ዎዳኔ። 25 ዓያናና ኑ ናንጋያ ማዔቲ ዓያና ኑና ዳዎ ጎይያ ኑ ሃንቶም። 26 ዎሊዳ ፑርቲሞና ኑ ዔቁ ዔቁ፡ ሃሣ ቁኢሪ ቁኢሪ ጉሪ ኑ ሄርሺንቲባኣያታቲ ቃራኬ።

6

ዓሲ ቢያም ኮሺ ማዶ ማዳሢ

1 ታ ዒሺንሥ! ታ ሚሺንሥ! ዓሲ ዓይጎ ባኣዚ ዳቤቲያ ዲንሢ፡ ዓያናና ማዔ ዓሳ ዩያጉዴ ዓሶ ሼሌዑሞና ጊኢጊሹዎቲ፤ ጋዓንቲ ኔና ዩይ ዳቢሹዎጉዲ ኔና ዔሪ። 2 ዎሊ ሴካና ሃንጋና ማኣዲ ማኣዲ ፔቲይ ባጋሢኮ ዴኤያ ባሶ ባሶንጎ፤ ዩያይዲ ኪሪሰቶሴ ዓይሢ ዎጎ ዲንሢ ከንሣያ ማዓንዳኔ። * 3 ያናታቲያ ሃንጎዎቶይዳፓ ደማዳ ባኣዚ ባኣያታንቲ፡- «ታኣኒ ሃንጎ ዓሶፓ ባሽከ» ጌይ ማላቶ ፔና ጌሻኔ። 4 ፔቲ ፔቲ ዓሳ ፔ ማዶ ዘጊ ዔርንጎ፤ ዩካፓ ፔኤሲ ሃንጎዎቶሲና ዎላ ሄካሲያ ሃሺ ፔ ማዶና ሌሊ ሄርሺንታንዳ ባኣዚ ዴንቃንዳኔ። 5 ዓይጎር ጌዔቲ ፔቲ ፔቲሢ ፔ ኬዶ ኬዳንዳያ ኮይሳሢርኬ።

6 ጾኦሲ ቃኣሎ ዔሪያይዳ ዓኣሢ ዔርዘሢና ዎላ ኮሺ ማዔ ባኮ ዘርቲ ዔካያ ማዶንጎ።

5:17 5:17 ሮሜ 7:15-23። * 6:2 6:2 ዲንሢ ከንሣያ ማዓንዳኔ፡- ጋዓዘ ፔቲ ፔቲ ሚናኣ ማፃኣፓ «ከንሡዎቲ» ጋዓኔ።

7 ዲንሢ ዲንሢ ጌሺፖቲ፤ ያኦሲ ዓማሊንታያቱቀሴ። ዓሲ ፔ ማደማ ዔካኔ። 8 ፔ ሱኡኮ ማሊያ ባኮ ማዳ ዓሲ ፔ ሱኡኮ ማሊያይዳፓ ሃይቢ ዴንቃንዳኔ፤ ዓያና ዋዛሳኒ ማዳ ዓሢ ዓያናይዳፓ ናንጊና ናንጊ ዴንቃንዳኔ። 9 ኑ ማዳ ሃሺባኣቶ ኮይሳ ዋደማና ኑ ማዳሢኮ ዓኣፖ ኑ ዔካንዳሢሮ ኮሺ ማዳ ማዳሢ ኑ ቤልፃዲባኣቲ ቃራኬ። 10 ኑ ማዳንዳ ዋዴ ዴንቄቲ ዓሲም ቢያ ሃሢ ባሼና ኪሪሰቶሴ ጉሙርቃ ዓሲም ኮሺ ማዳ ኑ ማዳም።

ጋፒንሢ ዘርና ሳራሥሢና

11 ሃያ ዋማይዲ ታ ኩቻ ዓንዲርሲ ታ ዲንሢም ፃኣፔቲ ሂንዳ ዛጉዋቲ፤ 12 ዲንሢ ዓቲንቶ ቤርቶ ቲቁንታንዳጉዲ ዋልቄና ዓይሣዞንሢ ዙልካ ጴዳ ባኣዚና ሄርሺንታዞንሢኬ፤ ዬያ ዔያታ ማዳሢ ኪሪሰቶሴኮ ሃይቦና ሜታሢ ዛሎ ኬኤዛያ ማዔቲ ዳውሲንታንዳሢሮኬ። 13 ዔያታ ዲንሢ ዓቲንቶ ቤርቶ ቲቁሾና ሄርሺንታኒ ማዓንዳኣፓዓቲም ዔያታ ቲቁንቲ ዓሳ ፔ ቶኦኪና ዋጋ ዓይሣ ሳይያ ኩንሣያቱቀሴ። 14 ታኣኒ ዓጮኮ ፑርቶ ማዳፓ ዲማዲ፣ ዓጮኮ ፑርቶ ማዳ ታጊዳፓ ዲማዲ ኪሪሰቶሴና ዋላ ሃይቄ ሃይቦይዳፓዓታዛ ሜሌ ታ ሄርሺንታ ባኣዚ ባኣሴ። 15 ዓቲንቲ ቤርቲ ቲቁንቲቲያ ሃሺቲያ ማኣዳ ባኣዚ ባኣሴ፤ ማኣዳሢ ዓኪ ማዢንቲ ማዓሢኬ። 16 ሃና ዓይሢያ ሳይያ ዓኣዳ ያኦሲ ዴሮም ቢያ ኮሹሞና ማኣሪሢና ማዖንጎ።

17 ታኣኮ ዑያይዳ ዓኣ ጳዲንቶ ዲኢዳ ዬሱሰ ኪሪሰቶሴኮ ታ ዓይሌ ማዔሢ ዔርዛያታሢሮ ሃይፓ ሴካ ያኣኒያ ታና ሜታሶፓ።

18 ታ ዲሾንሦ! ታ ሚሾንሦ! ኑ ጎዳሢ ዬሱሰ ኪሪሰቶሴኮ ኮሹሞ ዲንጊፃ ዲንሢ ዓያኖና ዋላ ማዖም፤ ዓኣሜን።

ጌሌዢ ማግኒት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኒት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929